




ԵԿԵՂԵՑԱԿԱՆ ԲԵՄ. ԼՈՒՐԵՐ

Մայիսի 3-ին, շաբաթ.—Հին տոմարով Ջատկի տոնի առթիվ, Վեհափառ Հայրապետի կարգադրությամբ, Ռոստով և Չալտր մեկնեց Մայր Աթոռի դիվանապետ և Միջեկեղեցական հարաբերությունների բաժնի վարիչ տ. Արսեն եպս. Բերբերյանը՝ ա. պատարագի մատուցմամբ և Բանին կենաց քարոզությամբ մխիթարելու տեղի հայ հավատացյալներին:

Ռոստովի օդանավակայանում սրբազան հորը դիմավորում են Ռոստովի և Չալտրի եկեղեցիների քահանա հայրերը, եկեղեցական խորհուրդների նախագահները և հավատացյալներ:

Ա. Ջատկի Ծրագալույցին տ. Արսեն եպս. Բերբերյանը ներկա է լինում Չալտրի հայոց եկեղեցում: Պատարագում է տ. Թադեոս քհն. Ավագյանը: Տ. Արսեն սրբազանը ա. պատարագի ընթացքում, «Հայր մեր»-ից առաջ, քարոզում է օրվա խորհրդի հոգևոր նշանակության մասին՝ հաղորդելով Ամենայն Հայոց Վեհափառ Հայրապետի օրհնություններն ու ողջույնները:

Ծրագալույցի ա. պատարագից հետո համայնքը, ի պատիվ տ. Արսեն սրբազանի, ընդունելություն է կազմակերպում:

Մայիսի 4-ին, Ջատկի տոնի առթիվ, տ. Արսեն եպիսկոպոսը պատարագում և

«Մահումս զմահ կոխեաց» քնաքանով խանդավառ քարոզ է խոսում Ռոստովի հայոց ա. Կարապետ եկեղեցում՝ հաղորդելով Հայոց Հայրապետի ողջույններն ու օրհնությունները: Քարոզիչ սրբազանը խոսում է նաև Հայոց Հայրապետի եկեղեցաշեն, հայրենամուկեր ու խաղաղասիրական բեղուն գործունեության մասին:

Ռոստովի հայոց հոգևոր հովիվն է ճեմարանավարտ տ. Գրիգոր քահանա Տերտերյանը:

Ա. պատարագից հետո համայնքը, ի պատիվ սրբազան հոր, ընդունելություն է կազմակերպում:

Ապա սրբազանը, տ. Գրիգոր քահանայի ողբեկցությամբ, այցելում է Ռոստովի ոռոսաց եկեղեցին և սիրալիք զրույց ունենում ոռոսաց եկեղեցու առաջնորդ տ. Հովասափ եպիսկոպոսի հետ:

Այնուհետև սրբազանը, Ռոստովի հայոց եկեղեցու Եկեղեցական խորհրդի և Վերստուգիչ հանձնաժողովի նախագահների ընկերակցությամբ, այցելում է տեղի՝ Միհստորների սովետին՝ աղընթեր եկեղեցական գործերի լիազորին:

Այսօր Ռոստովում ապրում են շուրջ 30.000 հայեր, իսկ Չալտրում՝ 15.000:

Թե՛ Ռոստովի և թե՛ Չալտրի համայնք-

ներն ունեն իրենց եկեղեցիները, եկեղեցական մարմինները և հարազատորեն կապված են Մայր Աթոռի և Էջմիածնին ու հրապարտ են և միասնական Հայոց Հայրապետի և Մայր Աթոռի եկեղեցաշեն, հայրենակներ գործունեությամբ:

Տ. Արսեն եպիսկոպոսը մայիսի 5-ին վերադառնում է Մայր Աթոռ:

Նույն առիթով և նույն օրերին ներքին թեմեր են մեկնում Մայր Աթոռի այլ միաբաններ:

*
* *

Մայիսի 4-ին, կիրակի.—Այսօր Մայր տաճարում և պատարագ է մատուցում տ. Հովհաննես ալ. քհն. Մարությանը:

*
* *

Մայիսի 8-ին, հինգշաբթի.—Համբարձումն Քրիստոսի.

Օրվա տոնի առիթով Մայր տաճարում և պատարագ է մատուցում տ. Մասիս արդ. Գալստյանը և «Հայր մեր»-ից առաջ քարոզում «Համբարձա Տէրն մեր յերկինս» (շարական) բնաբանով:

Հավարտ և պատարագի, Մայր տաճարի լուսարարապետ տ. Հուսիկ եպ. Սանթրոքյանի նախագահությամբ, կատարվում է մաղթանք՝ «ի յիշատակ փոխադրության Հայրապետական Աթոռոյն հայոց ի Սոյ ի և Էջմիածին» (1441 թ. մայիս):

*
* *

Մայիսի 11-ին, կիրակի.—Երկրորդ Ծաղկազարդ.

Այսօր Մայր տաճարում և պատարագ է մատուցում տ. Գրիգորիս արդ. Բունիաթյանը և «Հայր մեր»-ից առաջ քարոզում «Սա է որ եկն ջրով և հոգով և արեամբ, Յիսուս Քրիստոս. ոչ ջրով միայն, այլ և արեամբ և ջրով» (Ա. Հովն. Ե 6) բնաբանով:

*
* *

Մայիսի 18-ին, կիրակի.—Հոգեգալուստ (Պենտեկոստ).

Այսօր Մայր տաճարում և պատարագ է մատուցում տ. Հուսիկ եպ. Սանթրոքյանը:

Ա. պատարագի ընթացքում ընթերցվում է և. Ներսես Լամբրոնացու «Սոխպիս ի սիրոյ» Հոգեգալուստան տոնին նվիրված ճառ-աղոթքը:

Մայիսի 25-ին, կիրակի.—Ա. կիրակի զկնի Հոգեգալուստան. Սկիզբն Յարութեան կիրակեից. Յիշատակ Եղիայի մարգարեին.

Այսօր Մայր տաճարում և պատարագ է մատուցում տ. Վազգեն վրդ. Թադևյանը և «Հայր մեր»-ից առաջ քարոզում «Ողորմութիւն քո Տէր զհետ իմ եկեղեցի զամենայն ատուրս կենաց իմոց» (Սաղմ. ԻԲ 6) բնաբանով:

Հավարտ և պատարագի «կատարի հոգեհանգիստ... ի յիշատակ աշխարհագորաց և գորավարացն Հայոց որք կատարեցան ի հերոսամարտին Սարդարապատի 1918 աւի, վասն հաւատոյ և հայրենեաց»:

*
* *

Մայիսի 26-ին, երկուշաբթի.—Սրբոց Կուսանացն Հռիփսիմեանց.

Այսօր, օրվա տոնի առիթով, և Հռիփսիմե տաճարում պատարագ է մատուցում վանքի վանահայր տ. Եղիշե քհն. Բաղդասարյանը և «Հայր մեր»-ից առաջ քարոզում և Հռիփսիմե կույսի կյանքի և նահատակության հոգեվոր նշանակության մասին:

Ա. պատարագին ներկա են լինում Մայր Աթոռի միաբանությունը և հոգևոր ճեմարանի սաները:

Հավարտ և պատարագի կատարվում է հոգեհանգստյան կարգ՝ և Հռիփսիմե տաճարի վերանորոգության բարերարներ Հյուսիսյան և Մանուկյան գերդաստանների ննջեցյալների հիշատակին:

*
* *

Մայիսի 27-ին, երեքշաբթի.—Ա. Կուսանացն Գայիանեանց.

Այսօր, օրվա տոնի առիթով, և Գայանե տաճարում իր անդրանիկ պատարագն է մատուցում նորընծա տ. Արտակ քհն. Սիմոնյանը և «Հայր մեր»-ից առաջ քարոզում «Առաքեա՛, Տէ՛ր, զյոյս քո և զճշմարտութիւն քո, զի առաջնորդեալ հանցեն զիս ի լեռուն և ի սուրբ յարկս քո» (Սաղմ. ԽԲ 3) բնաբանով:

Ա. պատարագին ներկա են լինում Մայր Աթոռի միաբանությունն ու հոգևոր ճեմարանի սաները:

Հավարտ և պատարագի կատարվում է հոգեհանգստյան պաշտոն՝ և Գայանե վանքի վանական գերեզմանատանը թաղված Մայր Աթոռի միաբանների հիշատակին:

Նույն օրը, ատալոսյան ժամը 9-ին, Մոսկվա է մեկնում Մայր Աթոռի դիվանապետ տ. Արսեն եպս. Բերբերյանը՝ դիմալորելու համար Վեհափառ Հայրապետին, որ Ռումինիա և Բուլղարիա կատարած իր պաշտոնական և հովվապետական այցելությունից վերադառնալու է Մոսկվա մայիսի 28-ին:

Նույն օրը Կանադայից Մայր Աթոռ է ժամանում տ. Ժիրայր վրդ. Թաշնյանը:

Մայիսի 28-ին, չորեքշաբթի.—Այսօր ավարտվում են հոգևոր ճեմարանի 1974—1975 ուսումնական տարվա դասավանդությունները և սկսվում ամառային քննությունները:

Մայիսի 29-ին, հինգշաբթի.—Տօն սրբուն 3ովհաննու Կարապետին և Աթանազիենայ եպիսկոպոսին.

Այսօր ս. Շողակաթ տաճարում, օրվա տոնի առիթով, պատարագ է մատուցում տ. Գրիգոր քին. Փանոսյանը:

Հավարտ ս. պատարագի հոգեհանգստյան պաշտոն է կատարվում՝ վանքի վերանորոգության բարերար Գալենտերյան գերդաստանի մեջեցյալների հիշատակին:

Մայիսի 31-ին, շաբաթ.—Տօն սրբուն Գրիգորի Լուսաորչին մերոյ ելն ի Վիրապէն.

Այսօր Մայր տաճարում, օրվա մեծ տոնի առիթով, ս. պատարագ է մատուցում տ. Վազգեն վրդ. Թադոյանը և քարոզում «Տէ՛ր, սիրեցի զվայելչութիւն տան քո, և զտեղի յարկի փառաց քոց» (Սաղմ. ԻԵ՝ 8) բնաբանով:

